





إلا واشيب عيني يوم قالو لي فمان الله

وحققت أنهم من عقب جمعاهم مقفيني

عبدالله الفيصل

احسب ان الرمش لا سلهم حنون

أثر رمش العين ما ياوي لحد

خالد الفيصل

إن شكيت من الهوى قالوا فضيحه

وإن سكت استنقضوا جرحي عليه

بشار بن عبدالمحسن

أنا ما شعرت اني مع الناس قبل ألقاك

ولا ذقت للدنيا طعم قبل تلقاني

سعود بن بشار

إذا صفا لك زمانك علّ يا ظامي

اشرب قبل لا يحوس الطين صافيها

خالد الفيصل

استكثرك وقتي عليّ وغدا بك

عادة زماني كل ما طاب هوّن

خالد النخيل

البارق اللي في دجى الليل وقاد

من قال أنه ما لع من نحرها

محمد بن راشد آل مكتوم

اخطيت يوم أني طلبتك حنانك

لا صرت فاقد شيّ وشلون تعطيه

منادي

الله أكبر كيف يجرحن العيون

كيف ما يبرى صويب العين أبد

خالد النخيل

امسح الدمعة بعمرى لوتبي

عطني احزانك وخذ مني هنائي

خالد النخيل

أشتكي لوسادتي دنياي واسمعها تنوح

كنها بعضي وبعضي وين هو منهو معه

أسير الشوق

أحبك كثر ما ينسى زمانه مستريح البال

وأحبك كثر ما قلب المسافر حنً لتراه

ذينا صقر

أنا لا جيت أبنساها التوى بي

خياله وانهمر دمعي يهلي

خالدا النعير

ارمي بروحي في بحرُك الزلالي

وتنسفي أمواجك على يابس الجال

عباد الله النعير

أنت الذي حطيت بالجوف رمحين

رمح العيون ورمح وردى شفاتك

خالدا النعير

أون وكلٍ يحسب اني أغني

عليل وكلٍ يحسب اني مداوي

خالد بن العيص

انتي كما بدر على صفحة الماء

له صورةٍ عندي وهو بالسما فوق

بشار بن عبد المطلب

آه يا من ونَّ ونَّات القهر

من جروح ساطيه بأقصى الضمير

محمد بن راشد آل مكتوم

القدر ما يفيض وان جاك القدر

الموده تبثلي عود وصغير

محمد بن راشد آل مكتوم

أقول في نفسي وأنا أعياد الناس

متى بشوفك تكمل أفرح عيدي

سعود بن بشار

إذا حكى تحس في هرجه برود

برد يولع في الحنايا جمرها

سكوة السبيعي

الموت حظ القلم والمجد للدفتري

حبر القلم غلظتني وإيامي أوراقي

أيضا صقر

المال كم ساس طمان وعلاه

والفقر كم حطم روابع سنافي

جهاد هادي المسري

أنا أحمد الله بان عيبك وخليتك

وطيت حبك بالقدم قبل ياطاني

سكوة نون بندير

إن طلبت الغلا قلت الغلا جاك

وإن سكنت الخفوق البيت بيتك

صباحة الرشيداني

أنتي التقاء النور مع نرف ديمه

تخيلى حبة مطرفي وسطها نور

محسن السويح

الله أكبر لا شرقت شمس يتلاها زوال

كيف ابفرح في صباح مع الليال استوى

خالد زيد

الكوكب اللي تقول الناس يا صغره

من كثر ما هو بعيد وشوفهم قاصر

بدر بن عبادة المحسن

انت لو ضميت تمثال من ضمتك ذاب

كيف لو ضميت قلب على ذكرك يذوب

سعيد عاوش

انا ما كنت أهيم بك عاقل أنا كنت أعشك بخبال

أنا ما كنت أحبك حي انا كنت أعشك هالك

خالد زيد

أغليه بس أشلون لا تسألوني

الحب من ربي يجي ماله أسباب

خالد المرزوقي

أحبك لو يموت الحب وتصير القلوب قبور

أحبك كلمة لو حرّموها حلّ تفكيرى

مساعدة الرشيدى

المشكلة أنى لا تعاندى وياه

قلبي وهو قلبي يوقف بصفه

خالد المرزوقي

أقاك في سكتي وتقول أرض الله

أنسى خيالك وتجبرنى على طيفه

سعد الخرنجى

الحب عظم صورتك في خيالى

ولا أنت ميت قلب ما عندك احساس

عائى المعطاني



اضحك وعطر ربيع العمر بأنفاسك

الجو محتاج للجوري ونفحاته

مهديع الحسن

الحب يبست في يديني زهوره

ومن الأسى يبست عليها يديني

تدركي بن ساهون بن محمد

أنسى ليا من عيونك سلهمت فيني

لكن فيها سحر هاروت يهدالي

خالد النديب

أهيم في صوتك وهمسك ولقياك

حتى مع الأحلام مقدر أخونك

مساعدة بن جبر بن العازي

أجيك لامن تأكد إنني علاجك

ما هو محبه ولكن شيمة فيني

صالح النادي



أحبك ولا تسأل حبيبي عن الأسباب

أنا لو أعرف أسباب حبك قدرت أنهيه

جمال الشهاب

الأرض أنا وإنتي غديتي لي الشمس

ما طيق بعدك واحترق لا قريتي

طلال الرثمين "الدطيب"

العين مثل السجن والدمع مثل الأسير

وكم دمعة من قهرها غادرت دارها

عقاب العهاني

الشيب ما به عيب ما به عذاريب

لا شك عيبه يطرد البيض عنا

طلال الشهاب

انا شبابك لاغزى راسك الشيب

وانا عضيدك لو تجور الليالي

مساعدة الرثمين

اظمأ ولا أرجي حاسدي شربة الماي

لا قرب الله من يد النذل شربي

نصر'المعظني

أهون علي أعيش جسم بلا روح

ولا خضوعي في يديك دقيقه

طلال السعيد

أنا للنار في صدري سنايا موطن الإبداع

وأنا ما أقول لا يكتب ولكن ليه يمحييني

عبدالله ذويبان

البيرق اللي على قمة جبل طارق

عار حنى الهامه اللي طال عاتقها

نصر'المعظني

أبي أشوف العيد في مقلتييني

واركب لقلبي جناحين وأطير

حمدان آل مكنوم " فرع "



اجمع له سمان الهرج خوفٍ من التقصير

ولا جيت أبشرح له كلامي تهيزلته

سعدنا بن جنادان

أشهد أن من يفعل الطيب في اللي ما وجود

مثل من حجج على غاربه ذبأح ابوه

جهاد المسري

انت لو طحت من عيني بقلبي مطاحك

كان ما شالتك دنياي روجي تشيلك

فيصل بن طولة

آه يا برق يلوح ولا سمعت رعوده

كل ما تضحك يلوح البرق بين شفاها

سأطن الهاجري

الكحل خلّه في عيونك وسايذ

يشرب من رموشك سواد يزيد

رشاد بن جعاشين

إن قلت أو ما قلت ردي كفايه

خل الفراق يحل كل المواضيع

طلال السهيد

أدري أنه كثير اللي وقف ضدي

بس ملح الغرام بكثر عدّاله

منادحي العوئي

أجرح بحد العيون السود من قدك

وإن كان لك دين خل العين تستافي

ضيدان المنزوي

الشعر طفل خلق مني وأنا منه

يا مخبلك كيف تفصلني عن احساسي

الربلية

أحيان أجي ضدك وأجي بصفك أحيان

تطيح من عيني وقلبي يشيك

بشار المديحي

اقبلي يا أعذب النور والما والملا

وادخلي من حيث ودك ترا قلبي أمان

محمد صالح الخزبي

أقسى من الهم والحرمان والذكرى

احساسى أنك لغيري وانت في يدي

فرح صباح

إن مشى بين المعاليق قلت الله معاه

وإن وقف وإلا عثر قلت بسم الله عليه

رشيما الدهام

الي تهرّب من مواجهه سنينه

يلقى على دربه سنينه تحراه

نصير لطيري

أحسك كل ما أغمر في حناني غالي عيالي

إلى ضميت انا اصغرهم أشوفك بينه وبينى

طلال السهيد

إن عافت الكبد تفاعحة ثناياك

لا عليها لا عطاها الما تعافه

مهذهم الوشيبية

أحبك لو عجزت القا لوصلك بالحياة دروب

أحبك لو حكيم العشق مات ولا صدق ظنه

عهود نبت خالدا

إن غبت عني شعرت بلذة طعونك

وان شفت زولك شعرت بقيمة عيوني

فهذا المساعد

بالم كتبتي أغلى الأمانى والاحلام

لا واخساره يالكتابه على الما

سائيه من المنع

بأبكي على زولٍ عشقته عشاقه

ترى البكا للأقويا زود قوه

سعدنا عاوش



بدلت قلبي حجر من شان نسيانك

يوم أني اشتقت لك صاح الحجر وينك

فيصالح بن طولان

بسافر بعينك وأعانق موانيك

صحيح من قال السفر له فوايد

محمد بن عوف

بعض الجروح ان جات من اغراب عادي

الجرح موت الجرح إن جا من احباب

عبد الله بن المطرث

تخطي عليّ واستسمحك واترجاك

ضعفي هواك وفطنتك ما تخونك

أحمد بن زيد

تخوفني مشاوير الطريق المظلم المهجور

واليا مني ذكرتك قلت طولني يا مشاويري

مسعود بن زيد

تقول ساعدني وانا اقول وشلون

لو أقدر النسيان ساعدت روجي

سعود السهول

تكرم البسمه اللي منك تكفيني

كيف اناديك عمري والعمر فاني

سعود بن عبد الله

تمنيتك البارح على هجعة العريان

أبا اسهر معك في نور أخوك القمر ساعه

عبدالله الفيصل

تحاصرني العبره ومن ضحكتي تحتار

تقول الشقي وشلون يضحك وهو داري

أحمد بن السعدية

تكلم فالبحر وتقول ما أحبه من الأملاح

وهي فيها من الملح الذي يغني مشافيهه

مشهد بن محمد

تسابقلك بيوت الشعر واتعزز مواقفها

واعديلها على ذوقك على ما كنت تامر به

مشقن الزهبار

ترى لو شفت لي ظل ومهابه في عيون الغير

ترى كل الزهاب اللي معي جرحي وسكيني

مساعده الرشيداني

تفضل والدروب الواعده مطمئنه

خذ اقصر درب بين الخافق وشريانه

مجاهد المرزوقي

تنسى جروحي وتسأل عن كلام جديد

شوف الجروح وتذكروش بقى من كلام

أبجد النوركي

تخنقني العبره ليا جيت أبنساك

ما هو بذنبي لا نسيت وذكرتك

عظ الله فرحان



تخطي عليّ واستسمحك واترجاك

هويت غلطاتك كثر ما هويتك

خالد المرزوقي

تمشي تمايل كنّ دروبها عشره

إن هملجت مغريه وان وقفت تخري

خالد بن هيف

ترف تقول بتطلع الشمس ويدوب

ويدوب الدنيا وهو ما بعد ذاب

عبد الواحد المرزوقي

ثراي ما ينشد الغيمة متى تمطر

ما دامها في سماي تحن لغراقي

زيد صقر

جرح ارتحالي ما تضمه مدينه

عايش غريب ومسكني موضع أخطاي

سليمان المدنع



جيت بحياتي مثل عمي وخالي

ما اخترتهم وأغليتهم مثل ما أغليك

هلال المطيري

جرحني مثل جرح الثرى من غزير السيل

رمانى مثل ما يرمى بالي اللبسي

عالمين، كعبين

جفاها عشق والعشاق عطشى للجفا واحيام

يموت العشق والعشاق عطشى والجميل الها

عباد الله في حنان السهيري

حققوا بالشوف في لون الشفات

هو خذا منها الشفق ولأ عطاها

طلال الرشيد

حظ الحمامه تلقط الحب وتحب

شفة فتاة ربهـا الي قبلها

خالدين بن سعود، الكبيير

حبي لك أبلغ من جميع الأساطير

ما له بقاموس الهوى وصف ثاني

سهمون بن بدير

حنا اليا احتكت ثم اصطكت نوادي

نجيب القول ما سجلّ بلنتي

خامس بن هناد

حلفت لك باللي خلقك وحياتك

في شوفتك سجل لي الوقت ميلاد

سهمون الشهردي

حبيبي اللي قمت أسولف به على أغصان وثمر

واثر الحديقة كلها ما احتاجت لتذكيرها

ناصر النمطاني

خلوني أسجّ عن موضوعه أحسن لي

ولا الغلا والله ان يبطي وهو غالي

سهمون بن جنادان



خذني معك عاشقٍ مجنونٍ في ليلي

وإن كان لك قلب خلني قلبك الثاني

السليمة

خطاك أنك تصدقني لا من قلتك بنساک

أنا لو نسيت الحمد قلبي ويش أصلي به

سهمون الشهيد

خذ راحتك ما غير أنا وانت والليل

والليل مامونٍ على سر الأحاب

عند المطيري

خل جيوشه بالمحبه غزتني

وانا أسير للعيون العضيضه

السامر

خيرني أمري بين أصعب خيارين

موتي أنا أو موت الاحساس فيني

طلال الزمينة

دام الحشا بيتها وانا مدلعتها

وش دخل القلب يزعل يوم توجعني

صديقاتي بن قصصنا

دنياي انا لو تجتمع لذاتها في مكحلة

والله ما اشهر لأي عين غير عينك مرودي

نصرت لفظنا

دخيلك لا انقتل شاعرو وش اللي ينكسر بالكون

سوى زهره وعصفورين وقلب وناس ديانه

سليمان المدفع

رح وين ما تشتهي رح قد ما تقدر

أنا أول الناس في قلبك وانا الباقي

دينا صقر

راعي العيون السود في رمشها في

وان سلهمت ذاب الحشا من حينه

نصار بن عبد الرحمن

رحت أسولف للجبال الصمّ عن قصة رحيله

ما تركت متونها الا ينحت الدمع بصخرها

خالد بن زيد

راعني خالٍ بوجنتها تقل عبدٍ مسبي

حارسِ روض الزهر من كل يمى مجرمه

محمد بن النعمان

زينِ فتنِ قبلي الي يلبسن الحجول

وش عاد بيقول فيه منكسين العقال

ناصر بن عبد الله

سجد قلبي على رمل الضلوع وهزه التنهيد

وخيام الندم والخوف في داخلي منصوبه

زيد بن ثابت

سهله على من كان مثلك وشرواك

مثل الثياب يغيرون المبادي

محمّد بن النعمان

سمعتك جملة فيها حكم بلسان أبي تمام

وحكيته قصة مجنونها هبل بعقلها

عبد الله فيضان السهيري

سكن فيني تربع مهجتي والصدر والأضلاع

مراكبه المحاني وان بغى يرقد شراييني

عبد الله ذويان

سافر وخل أحزان عمري تخاويك

يمكن معك تلقى حلول لضياعي

زيدنا الرشيداني

شفت حبك مثل دمع جرح جفني وساح

ان مسحته وان تركته جروح في جروح

منادي

شفت السواد ينادي بعينك الليل

هي من سواد الليل والليل منها

الساهر



شفتها مثل الجريمة وابتليت ابها بليّه

غلطة جيت أتحاشى ظلمها قلت ارتكبتها

خالد زيد

شريته في زمان البور والقيمة ثلاث أرباع

واشوفه في زمان العز بالربعين يقصيني

عبدالله ذويان

شعر يموت وصاحبه حي ما زال

وشعر تجاوز مرحلة شخص لشعوب

صنيدان المطيري

صحيت جمره وذاب الشمع والسكر

وشلون ما اتذكرك وتمرّ في بالي

زيد صقر

صارت حلوم الليل عندي وسيلة

أشوفكم يا أحباب وانتم بعيدين

عالي المعطاني

ضاعوا اللي جو معاها مسيرات

واقبلت تمشي تقل محد معاها

طلال الرشيد

طححت في حب العيون السود كلي

ومن عثر في رمش عينك ما يقومي

الساهر

طفولة ميته فيني بغتك تجدد أيامي

تركت الذاكرة لك لو تبي تاخذني لمهدك

هيثم خالد "الدرز"

طقوا خيالي كل ما غبت طقوه

مقدين في ظل هزمكم لحاله

رشيد بن جمعة

عيونك آخر آمالي ويلي أطول من اليم

كيف ألقى كلام عذب يوصف دافي احساسي

عبدالله الرحمن بن مسعود

علمتني دمعتي سر السعاده

يوم جريت الشقا ميّزت نوعه

طلال السهيد

عين تشربك شوف وعين تظماك

لا ذبحني ظمّاك ولا رويتك

مساعدا الرشيد

عبث نكتب مشاعرنا قصايد والعنا مولود

ربا داخل محاجرنا وصرنا نعشق أحزانه

فيصل العناني

على شاطي الهدب هذا أبسهر للهوى واسلى

دقيقة حب لو صارت سنيني الباقيات جروح

محمد الهاشمي

على تايه مواعيدك من البارج وانا سهران

بغيتك للسهر مثل المنام وطحت من عيني

صبيحان المرزوقي



عشتك انسان تاير ما بدمه برود

مغترب في عيونك وانت أقسى بلاد

تركى المشيخ

عجزت مرايته فيه تشبهه

حاولت فيه ما قدرت تجيبه

فهاد عاقت

عطني أحزان قلبك وخذ مني وداده

عش حياتك سعيد وخلّ غيرك يعانى

منادي

عطيتني وجهك وانا جيت كلّي

محرووم والمحرووم ماينعطى وجه

سألهم صانيم

عزمتك في شعوري يا شعور ما تبي عزام

وجلستك على عوج الضلوع وقلت عدلها

عبدالله فيحان السهيري



غديت مثل العود مشراه غالي

وغلاه لجله يحرقونه على النار

محمد ناصر السيارزي

غنيت ما قصدي طرب بس سبتي

من طفلة تركض من البرق خايضه

طلال السعيد

فدوة عيونك لو غدت روح مغليك

وش عاد لو راحت لعينك عشاير

خالد النعيمي

فتنة الحفل زيدي مشيتك بختره

كل خطوة بروق وكل نضحة سهيل

فهد عافيت

فمان الله سق ركبك على درب السنين العوج

ولكن طالبك لا أقضيت عني لا تخليني

صديقاتي بين قصصنا

في غيابك الناس ماتت وانته الباقي

لأنك الغالي اللي يذبح فراقه

محمد بن آل مكنونم " فرع "

في غيابك يا كم تمنيت موتك

أقل شي ارتاح واعرف مكانك

فهد المسعود

فيها غنج ساذج على ملعنة جد

على شوية شيطنه مع شقاوة

علي السبعين

في نحرها كافر لعيوني يقول اذنبني

كل ما ياكل رطب شوفي حذفني بعجمه

محمد بن الدحيهني

قالوا تحبه قلت ما هوب بالحيل

بس أنه أغلى شوي من نور عيني

سعود بن بنيدر



قالوا توادع قلت يا صعب الوداع

وشلون أوادع من معه قلبي وديع

خلفان بن هذال

قالوا هبيل وجايز لي هبالي

اهبال طيب ولا صحاوة رخامة

مساطين شهيدان

قالت مشاري وصاحوا الخلق لبيه

من زينها كل الخلايق مشاري

فهد عافق

قلت رحلتنا تبي سكر وترنيمة أغاني

قالت هات الأغاني واترك السكر عليه

فهد عافق

قلت وين الحبايب قال ما هم قريب

قلت يا قلب كانوا في ضلوعي هنا

عند المطيري

قال انا كني غريب ضيع دروب المدينه

قلت انا كني مدينة تنتظر رجعة غريب

فهذا المساعد

قلبي وهو قلبي على طول ضدي

يزعل علي ويروح يضحك معاه

مساعدا الشهراني

قلبي لو اغديتيه في الصحرا بليا بوصله

ما تاخذين الا وهو لقصى ضلوعك مهدي

نصير العظاني

كانها الفرقى طلبتك حاجتين

لا تعلمني ولا تكذب علي

بندين عباد الحسن

كل الحياة احلام والعمر رايح

طريقي بهالدنيا وغيري طراقي

خالف بن هذال

كبر حظ الصغير اليا وقف وارجعت له

وان ضحك حبته وان جاع يرضع نهدها

عبد الله السبيعي

كل ماجيت أبدله عن غرامك وأتوب

جددت جرح قلبي لك هبوب الرياح

اغوارية السعودية

كيف أتوبك يا اجمل ذنوبي واوقف عند حدي

وانت ذنب لا غفره الله ولا لي عنه توبه

صبيد ان بن قصصنا

كن في ضمة شفاها جمرتين بنار حيه

كل من حس بدفاها واحترق صد وقربها

حامد زينا

كان قصدك دمعتي لا تفرحين

شعرة دشت بعيني وطلعت

خالد المنزقي

كل جفنٍ من عيوني غدى بيت أجودي

لا تقضب فيه عبدٍ من الليل اعتقه

فهد عافيت

كل ما طالعت في عيونك أضيع

دارت الدنيا وصار الشرق غرب

عاني مساعدا

كل مادعيت الله يجيبك زدتني ببعد

رح الله لا يردك يمكن الدعوات مقلوبه

عباد المحسن بن سفيان

كنت في عمري يقين وصرت لاحساسي قناعه

من شرب صيفك وضم شتاك يستاهل ربيعك

ناصر البلبليقي

كل قضاء يموت مره ويضداك

وانا أموت الضين مره على شانك

طلال الزمخيد



كنت القريب وكلهم كانوا اغراب

حتى القمر لا غاب شفتك محله

عطا الله فرخان

كن السهر دربِ عليه بتجيني

ما ودِّي اقطع درب لاماك برقاد

بهار زين عباد الحسن

كرهني بنفسك ولو بدنب صغير

ألقي به اعداري واعود لزماني

سليمون بن بهار

كل يقول الزين كله بخلي

أكيد ما شافوا من الزين حاجه

السامر

لا هنت يا راس الرجاجيل لا هنت

لا هان راس في ثرى العود مدفون

خالد النعيل



لا يطوّل غيابك ثم آخذ عليه

لو تخلّيت عني عنك قلبي ما تخلّى

خالد الفيصل

لو ما الزعل ملح ما صار الهوى حالي

ولو ما لسانك غسل ما سورّه نابك

خالد المسعودي

لو تستحي دمعتي من ضحكة سنوني

ما كان حطت بنون العين ماريّه

سباح

لا شك أحلى مرّ لِنفس يسقا

حلو تحس بلدته وما تذوقه

فالح الدهمان

لولا عقلك كان اشبهك في ريم الفلا

ولولا قلبك كان يمكن ذكرت الخيزران

محمد صالح الحرزي

لولا الخطأ محد عرف قيمة الصح

ولولا الصحيح يصح جات الفضايح

حبيب الفازي

لا بوك لا بو من ترجى حنانك

لا بو قلوب في الهوى تشكي الضيم

سكوة السبيبي

لو أحكي بحبك دخلت بمتاهات

والحب نفسه لو عرف يحكي أقنعك

عباد الله الرشيد

لو يصب البحر داخل عيونك غرق

شف وانا إنسان كيف أحظى برمشك وانا م

ناصر السبيبي

لا صرت ظلي بعد وش همني يا خي

الحزن والدمع واللوعات عدني

الداليك



لا جيت أبهرب من عيونك تراجعت

وشلون أبهرب والمسافة عيونك

منقلاية

للموت أنا لك حبيبي صورة حيه

ميت بحبك وحبك صرت أنا أسعى له

حمدان آل هكسونم " فرغ "

ليتك بقيتي حلم في عمر الأيام

ولا عرفتك في حياتي حقيقة

عماد المطيري

لوجمعت أيام عمري من فرح

ما تساوي لحظة من وقتي معك

مجازة

ليته قبل ما يفارقني حضر قبري

أكون أهون للقبر من حزن غيره

ملاك الوافي

للعين دمه و لكن دمه القلب غير

يكفي اليا جت تطيح يطول مشوارها

عقاب الهنائي

لا مرني طيفك أضمه حيل بأحضانني

وشلون لاجيت عندي وشافتك عيني

عاني مساعدا

لوفات لك بالعمر تسعين ما شنت

في عين نفس علقت بك رجاها

عباد الله الفيض

لو عيوني غيم واهدابك محاجر

ما ظما رمشك تحت دمع بكيته

ذي فصحتر

لو عذب الغالي لذيذ عذابه

السيل يجرح بالوطا قبل يحييه

الجهيني الحزبي

لا غاب عني يعيش الفكر مع طيفه

وان صار عندي حياة الحب الأقيها

سعد الخرنجبي

لا جيت أنادي غيرك أسهى واناديك

غصب علي اليا طرورك أتجلى

خالد المرزوقي

ليت ممالك في حياتك لا خوي ولا طليب

كان أخشك وسط خافقي وأقول ضاع

سعد علوش

لا جميل شفت قبله ولا بعده جميل

العذارى رهن رمشه وأنا رهن اصبعه

حامد زينا

لو عشت عمر شعيب وانت بمهونه

ضايح وما تقضي من العمر ضايح

خلف بن هذال

لو الرجولة بالمظاهر والاشكال

كان العذارى عقبنا الضناجيل

سأطرد علي القتيبي

لا تهل الدمع الله يجازي ظروفك

لعنوا الدمع فعيونك يزيدك حلا

علي مساعد

لو غدى العاقل مع العاقل خصيم

سيقت شيوخ القبائل للقصاص

علي بن حمزي

ليت الجفا زله وادور لها دمع

ليت الغرام جروح وانسى عددها

نايف صقر

لا تخالط سواد الكحل مع دمع عينك

عظم الله أجر النور ويا الهلال

علي مساعد

لا متى ذبح العرب عندك حلال

تابت العالم متى عينك تتوب

نيسابور بن عبدالمحسن

لي في عذاب الحب رحمه ومصلوح

عذابك ارحم من نعيم موالي

الساهر

ليت العذول يكف عدل عدل فيك

ياخذ عيوني لجل منها يشوفك

محمد بن رشيد آل مكنون

لو للزمن عن نية الغدر شيمة

ما فرق احباب ولا بعد اوطان

نيسابور بن عبدالمحسن

لا تزيد طعوني أوجعت الخناجر

ما بقى عرق بقلبي ما ثنيته

دايف صقر

مثل النخيل خلقت انا هامتي فوق

ما اعتدت انا احني قامتي الا في صلاتي

بندر بن عباد المحسن

مهما يقولون مهما صار مهما تم

انت البدايات وآخر ساحل ومينا

أسير الشؤن

منهو حبيبك غايتي بس أهنيه

على حسن حظه عشانك حبيبه

سعود بن بندر

من دون صهيون بذتنا صهاينا

تكفر بالاسلام وتركز كماينها

خائف بن هنال

ما قلتك عمر سيف العشق ما يقتلك

ما تشوفني حي قدامك وأنا اموت فيك

مصطفى الرشيدي

ما دام كل من يحيى على وجه التراب تراب

عسى تنساني الدنيا ما دام انتي ذكرتيني

خالد زيد

ما عاد تخدمني عقب ما بدالي

وان عدت فيما عفت مانيب رجال

عباد الله الفيصل

ما بين بعينك على كثر ما جاك

لا واحسافه ليتني ما عطيتك

خالد المنزقي

مثل ما تدفن الموجه تعبها في رمال السيف

مثل ما تغري النار الفراش ويحترق فيها

ماجد الشاوي

مدام أن الزعل مثل الرضا ييقيك في بالي

أنا مزعل ولا أرضى منك أنا ازعل عنك وارضى بك

فهد عافت

متى القمر والشمس والنجم والبرق

تهزم جبينك يا صعيب المواجه

سكوتة بن عباد الله

مره لبستي الحب مره فصختيه

هذا الهوى لا تحسبينه عباتك

طال السعينا

مهما يطول الليل فيك أنت مسراي

ولو تشرق بشمسك غدى الظل اشافيك

زبن بن عهين بن زبن

ما عاد لي عمر به الحظ ينقاس

في بحر حبك ما لقيت المراسي

محمد المرعي

ما مسيت لي مده وأنا على نارك

تظفي وأنا مشتعل وانته ولا همك

عباد الله حماد بن جنان

ما هوب انا اللي يعودُ حين ينده له

أصعب من اقضائتي لا اقضيت مرجاعي

هلال المطيري

ما هو غريبه موت منهو يشوفك

بس الغريبه من يشوفك ولا مات

زيد بن غيايم

مليت أكفر اخطاء ما هي أخطائي

وادري براعي الخطا واقول من هو له

عابرة سبيل

ما قلت أحبك إلا انا صادق وابضرب لك مثال

إني ذكرتك يوم حتى أهلك وهم أهلك نسوك

عبادة الله الرشيد

ما أنكر إنك كنت قمة فالأخلاق

حتى طعونك كنت تطعني بذوق

خالد بن هيف

ما عاد لي قلبٍ حتى ياخذه غيرك

أفنييت كل المشاعريا معذبها

متنهب التركي

ما يجرح الرجال غيرانه يشوف

أخس خلق الله ياخذ مكانه

طلال حمز

ما هقيتك يوم الأجساد تسترها الثياب

بالجفا عريت صبري وعريت اجسدي

مصطفى بن شويخ

من بعد ما كنتي أنتي في حشاي أغلى سجينه

بأوعدك بأطلق سراحك واتهمني بالإدانه

حامد زينا

ما أقول شفته وشفته البيض يتلنه

أقول شفته وشفته الشمس منجومه

مصطفى الرشيدي



من دون دمعي سيوف الرمش مسلولة

والله ماقد ذرفته حتى عند أمي

أسير الصمت

نسياتي من نسي الدنيا ولكن ما قدر ينسك

ولو نفرض نسيتيني شعوري كيف تنسينه

منادي

نصف زين الخلايق في عيونه

وباقى الزين في باقيه كله

خالدا النعيم

نويت مرياع الغضي سيد الأحباب

قصدي يزول الجرح زاد التهابه

سعد الخزيجي

هدمت الدار من قل الحصى لأجل أرحم الخلان

وقتلت النور من كثر الجفا بافارق ظلاله

بدر بن عبد المحسن



هلا باللي أحبه كثر تعذيبه

وكثر ما هو يغيب وكثر ترحابي

عبدالله الرحمن بن مسعود

هذور المجالس راعي المدح والسبى

وهو بالخلا لوجاه بنت خذت ثوبه

سعد بن جبلة

همست وقلت لا تخافي على بحر العيون السود

على شط الكحل مرّيت وهذا موضع اقدمي

بشار بن عبدالمحسن

ودي أشبع منك شوف ولا حصل لي

كل ما ناظرتني ضاعت علمومي

الساهر

وصفك أرض بها خيل الكلام

ملّت الركض واتعبها العدي

داود صقر

وان دندنت طيلة الحرأب دندنا

بآيات حقِ علي وبلال دندنها

خفاف بن هذال

وجع شوق وجع حب وجع فقر وجع ضيقه

على كيفك وهاك اختار وهذي سلة أوجاعي

سأبيه ان المدفع

وجد من قفى وهو في رجا كلمة تعال

والتفت من عقب ما أقضى ولا احد لدّ فيه

صبيد ان بن قضاة ان

ورده وتقطف من ورود البساتين

أثر الورود احيان تقطف بعضها

سعود المهدي

ولك نور وجه كن لك بالنجوم انساب

وليل عجز من طوله الكف لا يسريه

حمد السعيد



وقتٍ مضى ملمس اللعبة تمنينه

واليوم خضر القلوب العاب منتوره

نصير'نمخطاني

وين أنت قبل اللي مضى من سنيني

يا مسعدٍ باقي حياتي بالأفراح

غبيونس

والله لارمي حظٍ أغبر على القاع

إما نبت واخضرَ ولاً دفنته

مجهاد'المديع

وشلون ما أصيح بأسمك واكشف أوراقِي

واسمك مثل حلم ماني قادر أصله

نوف'الدين

وان شرعت من طرفها صافنات الجياد

شفت الأوادم على السكه تجر الطوال

نصير'نمخطاني

والله ان عينك تجيب اطلق ولد

ينطلق من رمشها الموت الذحاح

فيصل الزبيدي

يا ام الحسن لو في الحزن حس وشعور

ما كان يكتبني قصيده قصيده

ناصر بن كرز

يا حسين ما يشكي من الوقت رجال

انا أعرف رجالٍ شكى الوقت منها

سألهم بسير

ينجرح قلب لكن ترتفع هامه

والله إنني لموت ولا انحنى راسي

مصطفى عبدالرشيداني

يا جرح بداخلي لحفتك ضلوعي

ميت من البرد قم يا جرح لحفني

صنيتان المطيري

يا ليت عمر يسابقني على شوفك

يلقى حضورك بعد ما جرب غيابك

زيدنا المطيري

يا حبر شوقي وريشة حب اتحدى الخلود

ليش توئد روح في محبتها وليده

أهماني السهاني

ياالعنبوك من الترف والنعومه

كن النسا مسترجلة من حوالبك

زيدنا غيايم

يا بوعيون بخمر الحب سكرانه

يا جرح كبدي عليك ويا فري جيبني

سهادنا بن جنادان

يا مدور أهل المحبه ما تضيع

انشد عن الهم تلقاهم معه

رشدنا بن جعفري

يا ناس أحبه وأحب أسمع سوائيفه

صوته يشئت هموم عايش فيها

سعد الخرنيجي

يا وطننا يا وطننا عمت عين الحسود

ما تهزك لا زوابع ولا غدر عملا

خافي بن هناد

يابنت انا ماني على خبرك العام

هاتي بلادي واخذي العمر كله

طلال السعيد

يا سحاب على العارض نشا

هيض القلب سيله والمزون

سعد الخرنيجي

يا مغير في عيني أصل العلاقة

تخيلاوا عدو يعشق عدوه

سعد عاوش



يا روحي أحيا بك وحننا غريبين

ما نيب أشوفك وانت يا روح ذاتي

خالد الفيضل

يا بنت انا للشمس في جلدي حروق

وعلى سموم القيص تزهر حياتي

بدر بن عبد المحسن

يا كيف بعث اللي بروحه يداريك

وانته مريح البال ليك ويومك

محمد بن رشيد آل مكنون

يا ليتني بينك وبين المضره

من غزة الشوكه الى سكرة الموت

سعود بن بدر

يا شينها لا صرت بين اختيارين

مستقبلك ولا حبيب توده

سليمان المنيع



يقول بس الزين فيني عيوني

وأقول أنا هذا بلى أبوك يا عقاب

خالد المرزوقي

يقولون لا ضاقت عليك الوسيعة عن

وأنا أقول ما شفت مقرد الخلق وش قالت

مساعدة الرشيداني

يا لله بأمانك من النكبات تامنا

والدار بحماك تمنها وتامنها

خلف بن هنال

يا شيخ جابر لك الله ما تهاونا

الضهد يكّد لك العوده ويضمنها

خلف بن هنال

يا دموعه ليه بين لي خضوعه

ليه يجرح كبرياءه في رجوعه

طلال السهيني

يا سعود عقب غياب عامين وشوي

جتني تشاورني ( بقصة شعرها )

جمال السهيد

يا ليت حبي له مجرد لقافه

يطري عليّ لا أمسيت ولا أصبحت ناسيه

نداء الدهويهرري

يا علي لا الشعر عبدي ولا هو سيدي

صاحبي له من جنوني ولي من منطقته

فهد عافيت

يقولون راعي الحب الأول غلاه يزيد

أجل كيف لا صرت أول الحب والتالي

مبارك شافي الهاجري

يحق لك عني تلوذ بخواتك

ريم الفلا ما هو على الناس معتاد

سعود السهيد



يا شينها لا صرت مطعون بكفوف الدخيل

في ظهرك اربع خناجر وفي الصدر أربعه

خامد زيدا

يا كثر ما قرئت في نظرت هات

ويا كثر ما في نظرت أبشر قراني

نديف المطيري

ياليت لي جرح وينشاف دمه

مير البلا من جرح ماسال له دم

منايع النبيع



## الخاتمة

في خاتمة هذا الكتاب ، أتمنى أن يكون هذا الإصدار قد نال استحسان القارئ الكريم ، خاصةً من المهتمين والمتابعين للشعر النبطي «الشعبي» .

وكلي أمل أن يكون هذا الإصدار مقدمةً لإصدارات أخرى عن هذا الأدب الجميل ..

وأرجو أن يلتبس القارئ الكريم لنا أي خطأ غير مقصود ورد في هذا الكتاب .

ويسعدني أن أتقبل آراء وملاحظات واستفسارات الإخوة القراء عن هذا الإصدار على العناوين التالية :

ص.ب ٥٣٢٦٠ الرياض ١١٥٨٣

البريد الإلكتروني: [Nmf777@maktoob.com](mailto:Nmf777@maktoob.com)

نايف بن مطلق الحداري

